

EFESUS

Efesus mbal tuku waŋe Paulusŋge kuyarna

Yesus nu luka samba mbol kina le yar 32 kinaig le Paulus nu Romŋge muli wandek sinamŋge minmba Efesus mbal tuku waŋe te kuyarna sulumba nane teŋenmba saningina: Yesus nu Moses tuku tukul ŋakmba kile-sika nuŋe ŋgarosumbi Zu mbal kasomok mbal ulendimba taŋgo kitek ndindo te-mayokna.

¹ Tane Kuate tuku mbal Efesusŋge minmba Kristus Yesus dubi mayede ta tane ŋakmba kaiye. Ye Paulus Kuatenge madiyina le Yesus tuku aposel minet yeŋge tane ndoŋ pasatam prowet.

² Singine Mam Kuate, Suŋgo Yesus Kristus nale ake sinarŋ tane make patika ŋgamuŋgal wamdus bul ser-tiŋguwaik. Son.

Kuate nu sine mbolŋge wam magenu kina

³ Singine Suŋgo Yesus Kristus tuku Mam Kuate sine nu tuku nyu te-duŋgube. Sine Kristus ndoŋ ulendikeg le Kuate nu samba mbolok wam magenu ŋakmba Tukul Guwa mbolŋge singit le gare suŋgo ŋak mineg.

⁴ Kuate nu kilke te te-mayok ndana sulumba nu Kristus mbolŋge sine kilam tuku madisingina. Sine nu tuku mbal purfeŋnu mbar kugatok nu am mbolŋge tingam tuku nu taŋana. ⁵ Nu sine tuku kume purmba Kristus mbolŋge nuŋe kiŋo kame mayok kambim tuku idusna. Nu nuŋe ranŋun mayenu maŋau ta dubimba wamdus ta tina. ⁶ Sine nu tuku nyu suŋgo ta te-duŋgube ŋga nu nuŋe

wam mayenu ta te-mayokmba nuje Kiño nuje tuku kume purna ta nu mbolŋe sine ake sinaŋ make patikina.

⁷ Nu sine make patikate maŋau ta fudiŋndo kuga. Wam ta suŋgo ŋayo. Nuje Kiño nuje tuku kume mbolŋe nu sine tuku mbar saukina sulumba sine tuku muskil kile-tidingina. ⁸ Nu lato lato sine make patika wamdus kila magenu siŋgit le ⁹ nuje wamdus buk kuirok minna ta kila pile mayeweg. Kuate nu o buk nuje ranŋun mayenu maŋau ta dubimba wamdus tina ta teŋenmba. ¹⁰ Ŋgumneŋga ait kumuŋguwa le nu samba kilke agaŋ ndende ŋakmba kilmba Kristus kumnemŋge patikuwa le naŋgine ma mbolŋe minwaig le Kristus nu gabat suŋgo minamŋgat.

¹¹ Kuate nu wamdus tumba taŋamba wam mayok kuwaig ŋga sakate ta kumumba mayok kinig. Nu o buk wamdus ande tumba Kristus mbolŋe sine kilam tuku madisiŋgina ta kile sine kilit. ¹² Kristus nu sine muskil kile-tidinguwa ŋga ambonŋa sine Zu son ŋgigeŋ mbal sine siŋgine mine ŋakmba mbolŋe Kuate tuku nyu suŋgo ta te-dungube ŋga nu sine madisiŋgina. ¹³ Kristus nu taŋgine muskil kile-tidiŋge tiŋgina ta tane pasa mayenu tugusek ta ismba tane Kristus tuku son ŋginaig. Taŋanaig le nu tane kasomok mbal mata yiŋe mbal ŋga Tukul Guwa tiŋmba saŋgatiŋgina. Nu o buk nuje mbal Tukul Guwa niŋgam tuku sakina. ¹⁴ Sine Tukul Guwa ŋak mineg tukunu sine Kuate tuku wam magenu kilamŋgig. Nu ŋak minbe le ma ma Kuate nu sine tuku muskil kile-tidiŋge siŋgamŋgat. Nu taŋawa le sine nu tuku nyu suŋgo ta te-dungamŋgig.

Paulus nu Efesus mbal tuku Kuate yabaŋna

¹⁵ Ye wam kame sakit ta ŋakmba idusniŋmba tane Suŋgo Yesus tuku kume tuku saŋgri tomba tiŋga Kuate tuku mbal ŋakmba tuku kume purde ta ye ismba ye mara

mara Kuate gare pasa tuwet. ¹⁶ Ye nu yabaŋet ta ye tane gilai ndaŋget. ¹⁷ Singine Sunjo Yesus Kristus tuku Mbara nu agaŋ ndende ŋakmba tuku gabat sunjo. Nu tane nuŋe Guwa tiŋguwa le nu wamdus kila mayenu tumtiŋguwa le tane Kuate kila pile mayewap ŋga ye yabaŋet. ¹⁸ Nuŋe tane wamdus kilŋatiŋguwa le Kuate nu tane wikina le nu tairŋga minig ta tugunu kila pile mayewap. ¹⁹ Nu tane nuŋe mbal minam tuku kilit ta wam sugo pasa ŋak tane tuku minig ta kila palpe sulumba sine Kristus tuku son ŋgeg mbal sanjri sunjo mara mara sine tam tuku minit ta tane katese mayewap ŋga ye yabaŋet.

²⁰ Sanjri ndui tambu Kuaterŋge Kristus kumna le tetimba tumba samba mbolŋge nuŋe ndinam kumamŋge pilna le minit. ²¹ Nu sugo sugo ŋakmba liniŋmba o mbolŋge minmba nyu sugo sugo kilke te mbolŋge kilke kitek mbolŋge ta ŋakmba liniŋmba nu mbolŋge minmba minamŋgat. ²² Kuate nu agaŋ ndende ŋakmba nu kumnemŋge patikina sulumba nuŋe kuasmbi tuku gabat sunjo minwa ŋga nu pilna. ²³ Kuate tuku kuasmbi ta Kristus tuku ŋgarosu. Nuŋe ŋgarosu mbolŋge nuŋe nyu sunjoka mayok ka nu kumumbi minit le agaŋ ndende ŋakmba nu mbolŋge kumumbi mine likade.

2

Sine Kristus mbolŋge abo kitek tigeŋ

¹ Tane buk wam ŋaigonu ke lika Kuate maskenŋge minmba kumaknu minnaig. ² Tane kilke te tuku maŋau ŋaigonu dubika guwa ŋaigonu tuku gabat sunjo kumnemŋge minnaig. Nu kile Kuate tuku pasa pitaide mbal sinamŋge piroka minit. ³ Sine ŋakmba buk nane taŋaŋ minmba singine wamdus ta ndo dubika nzali ŋaigonu ke lika mingeŋ. Sine taŋgo ŋakmba ndoŋ Kuate tuku pa tam tuku mingeŋ.

⁴ Kuate tuku mape maŋau suŋgokanu. Nu sine tuku suŋgomba kume purmba ⁵ sine une maŋau mbolŋge kumaknu mingej le Kristus nu kumna le te-tina ta sine nu ndoŋ kile-tidingina. Nu ake sinaŋ sine make patika muskil kile-tidingina. ⁶ Nu Kristus te-duŋga sine nu ndoŋ ulendikeg wam ta mbolŋge nu sine turmba kile-duŋga ka samba mbolŋge nu ndoŋ patikina le mineg. ⁷ Ait prowe likamŋgaig ta ŋakmba mbolŋge Kuate nu sine ake sinaŋ make patikate wam suŋgo ta kilimok mayok kuwa ŋga nuŋe raŋgun mayenu Kristus Yesus mbolŋge siŋgina.

⁸ Kuate nu tane ake sinaŋ make patika tane muskil kile-tidingate ta taŋgine piro mbolŋge kuga. Kuatenge piya kugatok tingit. ⁹ Tango ŋgarosu payamkubekaig ŋga naŋgine piro mbolŋge nu niŋge ndakate. ¹⁰ Sine Kuate tuku wai kuyar mineg. Nu Kristus Yesus mbolŋge sine wam magenu ke likam tuku nu sine abo kitek siŋgina. Nu o buk sine taŋamba minbe ŋga idusna.

Sine Kristus mbolŋge kuasmbi ndindo mineg

¹¹ Tane Zu ndare mbolŋge mayok nda kinaig ta tane gilai ndaŋgap. Sine Zu tango Kuate tuku mbal ŋga ŋgaro pikeg tuku mbal ŋgeg. Sine buk tane kasomŋge minmba ŋgaro pike ndakade tuku mbal ŋgiger. ¹² Ait ta mbolŋge tane Kristus gilai minmba sine Israel Kuatenge madisiŋgina mbal kasomŋge minnaig le Kuate nu wam afu kam tuku Israel saniŋgina ta tane nda isaig. Tane Kuate gilai minmba muskil te-tiwam tuku wam katese ndanaig. Tane taŋgine piti ambokok ta gilai ndaŋgap.

¹³ Tane buk Kuate maskenŋge minnaig ta kile tane Kristus ndoŋ ulendika nu tuku ndare mbolŋge Kuate tugumŋge minig. ¹⁴ Nu sile tuma ulendisikam tuku tango. Sile Zu mbal kasomok mbal ŋgueu minker wam ta nu tesimba sile ulendisikina. ¹⁵ Nu Moses tuku tukul ŋakmba

kile-sika nuŋe ngarosumbi Zu mbal kasomok mbal kilmba tango kitek ndindo te-mayokna le sile wamdus mukuk minek.

¹⁶ Nu ail kazrai mbolŋge kumna sulumba n̄gueu maŋau kume sermba sile mbal ar te ndindo te-mayokmba Kuate ndoŋ tumana. ¹⁷ Nu pro sine Kuate tugumŋge mingeŋ mbal tane kasomŋge minnaig mbal nu sile n̄gamukŋge pasa mayenu kuklimba Kuate nu wamdus mukuk sile ndoŋ minam tuku ndin tumsikina. ¹⁸ Sile kuasmbi ar te nu mbolŋge Tukul Guwa ndindo ŋak minmba kile sile Mam Kuate tugum kambim kumuŋ.

¹⁹ Ta tuku kile tane kasomok mbal rawe tango mine ndakade. Kuga. Tane sine ndoŋ Kuate tuku mbal mineg. Sine ŋakmba nu tuku wande tuma mbal mineg. ²⁰ Aposel kame tuan tango kame nane wande ta tugu pilnaig le tane nane mbolŋge tuturde. Kristus Yesus nu wande ta tuku ndame sungo. ²¹ Nu mbolŋge wande alonu ŋakmba ulendikade sulumba san̄gri tinga Kuate nuŋe minam tuku wande sungo mayok kinit. ²² Tane Kristus ndoŋ ulendikade ta tane mata Kuate tuku wande. Nu wande ta sinamŋge nuŋe Guwa pilit ta nu minit.

3

Kuaten̄ge Paulus kasomok mbal tuku piro tango madina

¹ Ye Paulus tane kasomok mbal mata Kuate tuku wande minig n̄ga saket tukunu ye muli wandekŋge minet.

² Kuate nu tango ake sinan̄ make patikate wam ta tane kasomok mbal kila palpe n̄ga piro te ye wai mbolŋge pilna ta tane buk isnaig. ³ Kuate nu nuŋe wamdus kuirok minna ta te-mayokmba tumyina. Ye buk ta tuku fudiŋmba tane tuku kuyarit. ⁴ Tane pasa ta burka ye wam tugusek Kristus tuku katese mayewet ta kila palmbimn̄gaig. ⁵ Wam kuirok ta buk tango nane ise ndakinaig. Kile Tukul Guwan̄ge

te-mayokmba Kuate tuku aposel le tuan tanjo kame tumsingit. ⁶ Wam kurok ta tejenmba. Tane kasomok mbal mata Kristus tuku pasa mayenu ismba son ngade sulumba tane Israel mbal ndoꝝ Kuate tuku kiꝝo kame mayok ka kuasmbi ndindo minig. Kuate nu Kristus Yesus mbolꝝge wam mayenu nane mbolꝝge kamꝝgit ngina ta tane nane ndoꝝ tam tuku minig.

⁷ Kuate nu nuꝝe sanꝝri te-mayokmba ye ake sinaꝝ make pilmba Kristus tuku pasa mayenu kukliwam tuku ye madiyina. ⁸ Ye Paulus Kuate tuku mbal ngamukꝝge ye nyu kugatok ta Kuate nu ye make pilna. Sine Kristus mbolꝝge wam sugo kileg ta ye kasomok mbal ngamukꝝge kukliwam tuku nu taꝝamba ye make pilna. ⁹ Ye taꝝawet tukunu Kuate tuku wamdus buk kurok minna ta alonu mayok kinit le tane kila pilig. Kuate nu agaꝝ ndende ꝝakmba kile-mayokkina ta nu o buk wam ta kam tuku idusmba nuꝝe miroꝝ kila minna ta ¹⁰ kile mayok kinit le samba mbolꝝge guwa sugo sugo nane Kuate tuku wamdus kila ta tuku alonu Kristus tuku kuasmbi mbolꝝge kaꝝgerka ta wam sugo ngade. ¹¹ Kuate nu tugu mbolꝝge wam ta kam idusmba minna sulumba kile singine Sunꝝo Kristus Yesus mbolꝝge te-mayokte. ¹² Sine nu tuku kume tuku sanꝝri tomba tiꝝga nu mbolꝝge sine kuru kuru kugatok ngamunꝝgal mukuk Kuate tugum kineg.

¹³ Ye tanenu nga piti kaꝝgeret te tane ta tuku wamdus sanꝝri kusre ndawap.

Kristus tuku kume pur maꝝau sunꝝo

¹⁴ Ta tuku ye dagol tidroꝝga Mam Kuate tuku nyu te-dunꝝet. ¹⁵ Kuate nu sine ꝝakmba tuku Mam Sunꝝo minit. Samba mbolꝝge kilke mbolꝝge ina mam nꝝgeg ta Kuate nu tugu. ¹⁶ Nu purfeꝝnu sanꝝri sunꝝo ꝝak ta nu nuꝝe Guwa tiꝝguwa le nu tane tuku ngamunꝝgal sanꝝri piletinꝝuwa

nga ye nu yabanjet. ¹⁷ Tane Kristus nu kumuŋ nga son ngap le nu tane tuku ngamuŋgal sinamŋge minwa le tane kume pur maŋau mbolŋge sanŋri tingamŋgaig. ¹⁸⁻¹⁹ Tane taŋamba minap sulumba tane Kuate tuku mbal ŋakmba ndoŋ Kristus tuku kume pur wam ta katese mayewamŋgaig. Nu tuku kume pur maŋau ta sungokanu o mbolŋge. Ande nu tuku kume pur maŋau sunŋo ta kila pile suluwam kumuŋ kuga. Tane lato lato kila palpe ta tane Kuate tuku maŋau ŋakmba te-puramŋgaig. Ye tanenu nga taŋamba Kuate yabanjet.

²⁰ Sine wam sugo afu kilam tuku wamdus sunŋo ŋak minmba Kuate yabanjeg ta nu tuku sanŋri sine mbolŋge pirokate tukunu nu wam ta liniŋmba nu wam sugo pasa ŋak siŋgam kumuŋ. ²¹ Sine Kuate tuku kuasmbi Kristus Yesus ndoŋ Kuate tuku nyu sunŋo ta te-duŋga minmba minbe. Son.

4

Sine Kristus mbolŋge kuasmbi ndindo mineg

¹ Ye Sunŋo tuku piro taŋgo ye muli wandek sinamŋge minet te ye tane sarsartinget. Kuate nu tane wikina wam ta te-mayokmba mine mayenu mbolŋge minap. ² Tane taŋgine nyu te-ibenmba ŋgan maŋau ŋak minap sulumba ande tuku pitik gubra te ndakap. Tane kume pur maŋau dubimba afu nane maŋau kise dubide ta tala ndaningap. ³ Tukul Guwa mbolŋge tane wamdus ulendi minig. Tane maŋau ta pur ndakuwa nga wamdus mukuk maŋau minam tuku wamdus sanŋrinu palpe. ⁴ Sine Tukul Guwa ndindo ŋak minmba ŋgarosu ndindo ndo mineg. Kuate nu sine wam ndindo tairŋga minam tuku wikina. ⁵ Sine tuku Sunŋo ndindo. Ngamuŋgal son ndindo. Sine kule pisne ndindo teg. ⁶ Sine tuku Mbara ndindo. Nu sine ŋakmba tuku Mam ndindo minit. Nu sine ŋakmba

kulatka sine ḡakmba mbolḡge pirokate. Nu sine ḡakmba tuku ḡgamuḡgal sinamuḡge minit.

⁷ Kristus nu nuḡe wamduḡ dubimba sine nduik nduik ḡakmba mbolḡge saḡgri yimyam siḡgina. ⁸ Kuyar pasa ande ta tuku teḡenmba sakate.

Nu muliḡ kilanu mbal kilmba samba mbol ambe kina. Ambeḡge nuḡe wam kame magenu taḡgo kame niḡgina ḡga sakate. *Mune 68.18*

⁹ Kuyar pasa ta nu mbol ambe kina ḡga sakate ta tugunu teḡenmba. Nu amboḡga kilke te o sinam nzi kina sulumba nu maḡ luka samba mbol kina. ¹⁰ Ande nu ndekina ta nu samba mbol ambe kumba maḡ tuturmba o mbol ambe kina le kile agaḡ ndende ḡakmba nu kumnemuḡge minig.

¹¹ Nu sine afu aposel pirokam tuku saḡgri siḡgina sulumba afu Tukul Guwa tugumuḡge pasa ismba kile-mayokkam tuku piro siḡgina. Afu lika pasa mayenu kukliwam tuku, afu Kuate tuku mbal kulatkam tuku, afu nuḡe pasa kukliwam tuku taḡamba taḡamba saḡgri yimyam siḡgina. ¹² Sine Kuate tuku mbal pirokube le Kristus tuku ḡgarosu sunḡoka saḡgri tiḡguwa ḡga nu taḡana.

¹³ Sine taḡamba minbe ma ma ḡgamuḡgal son saḡgrinu kumu kumu mayok ka Kuate tuku Kiḡo kila pile mayebe sulumba ka ka sugoka sine Kristus minit taḡaḡ mayok kaḡgig.

¹⁴ Taḡamba mayok kab ta sine kiḡo kame taḡaḡ mine ndaka tum pasa kise kise taḡgo naḡgine yabri wamduḡ kilambi tugusek pasa taḡaḡ kile-mayokkuwaig ta ismba bubre tiḡga yu tonḡel tiḡgate taḡaḡ wamduḡ kine inume nda. ¹⁵ Sine taḡgo ḡakmba idusniḡmba tugusek maḡau ndo dubibe sulumba wam ḡakmba mbolḡge siḡgine Gabat Kristus ndoḡ ulendikube. ¹⁶ Sine Kristus tuku ḡgarosu mineḡ. Nu nuḡe ḡgarosu kulatka saḡgri tuwit le nuḡe ḡgarosu ḡakmba ulendika mine mayede. Nane naḡgine

piro yimyam tugusemba kuwaig ta ngarosu sunjoka kume pur manau njak minmba sangri tingamngat.

Sine Kristus mbolnge mine manau kitek njak

¹⁷ Ye pasa te Sunjo tuku nyu mbolnge satinjamngit ta tane ise mayewap. Kile tane Kuate dubi ndade mbal tajar li ndakap. Nane nangine wamdus wam alo kugatok mbolnge patikade le ¹⁸ ma make sunjo sinamnge minig. Nane ngamungal karejnu pilmba wamdus kugatok tajar minmba Kuate nu manau kitek tango ningit ta nane gilai minig. ¹⁹ Nane manau ngajonu kumba kiko kugatok minig. Nane nangine nzali ngail ndaka une manau kumba kutur manau njakmba kam tuku piriride.

²⁰ i ... Tane tajarba Kristus tuku kila pile ndakinaig. ²¹ Afunge tane Yesus tuku pasa kuklimba tumtinginaig le ismba nu tuku tugusek wam kila pilnaig. ²² Tane kila pilnaig tajarba tangle wamdus ambokok tamba manau ngajonu dubikinaig ta kusrekap. Tangle wamdus ambokok tange tane ngajo siglike dirna. ²³ Tane wamdus kitek njak minmba ²⁴ Kuate tuku manau te-purap sulumba tugusek manau ndo dubimba mine mayenu mbolnge minap.

²⁵ Tane tango kitek minmba yabri pasa sa ndakap. Sine njakmba Kristus tuku ngarosu inumnu mineg tukunu tira ndonj sijka pasa ndo sakap. ²⁶ Tane gubra tap sulumba gubra ta dubimba une ke ndakap. Tane ki mbol gubra tumba gubra ta njak kinye ndakap. ²⁷ Satan pirokam tuku ndin wakei ndawap.

²⁸ Ande nu aganj ndende kuayarte ta nu manau ta kusrewa. Nu afu aganj ndende denkanu minig ta turkam tuku piro karejkuwa. ²⁹ Tane pasa ngajonu sa ndakap. Pasa magenu ta ndo sakap le nane afu wamdus piti njak minig ta pasa ta ismba sangri pileninguwa.

³⁰ Kuate tuku Tukul Guwa piti ser ndawap. Kuate nu tane tuku muskil kile-tidingam saka Tukul Guwa tinjmba sangatingina.

³¹ Wamdus ngueu njak, gubra manjau, minge fetka kua-leyau manjau, waje pasa ta njakmba kusrekap. ³² Tane tangine tangine munngu sina njak minap sulumba munngu turkap. Kuate nu Kristus mbolnje tane tuku une sauka gilaingina tanjamba ndo tangine tangine mbolnje mbarde ta mata gilaingap.

5

Sine mafey minbe

¹ Tane Kuate tuku kijo kame nu tane tuku sungomba kume purte. Tane nu tuku manjau ta te-purap. ² Kristus nu sine tuku kume purmba sinenu nga nuje ngarosu kumam tuku pilna le atrau aganj mundur mayenu tana Kuate tugum ambe kina. Tane tanjamba ndo kume pur manjau mbolnje minap.

³ Tane Kuate tuku mbal minig tukunu fare fare tango pino ndonj une manjau, wamdus kutur manjau, aganj ndende kilam tuku piriride manjau ta njakmba tane ngamuknje mayok nda kuwaig. ⁴ Tane bukla pasa fare pasa fulainj pasa njaignon sa ndakap. Tangine minge ta Kuate gare pasa tumba minap. ⁵ Tane pasa te kila pile mayewap. Fare fare tango pino ndonj unekade mbal, wamdus kutur njak mbal, aganj ndende kilam tuku piriride mbal nane Kuate le Kristus kulatkade ma mbol kine nda. Ande nu aganj ndende kilam tuku piririte ta nu Kuate idus ndamba nuje wamdus ta aganj ndende ta mbolnje ndo minit. ⁶ Tane rironjkap. Afunge nangine yabri pasa tamba tane mbar kame ta ke likap nga tane didikubekaig. Kuate tuku pasa pitaimba mbar tana kade mbal Kuate tuku gubra

nane mbolŋge minit. ⁷ Ta tuku tane nane ndoŋ ulendi ndakap.

⁸ Tane buk ma make tuku mbal minnaig. Kile tane Sunŋo ndoŋ ulendika tane mafef tuku mbal minig. Tane mafef tuku mbal minig taŋamba bulu mbolŋge likap. ⁹ Bulu mbolŋge likade mbal nane wam magenu tiŋreknu tugusek kile-mayokkade. ¹⁰ Wam ŋakmba pileŋga Sunŋo nu nzalite wam ta ndo kap. ¹¹ Tane ma make tuku wam alo kugatok ta kasomŋge minmba taŋgine mine mayenu tamba nane tuku mbar kile-mayokkap. ¹² Nane kuirka maŋau ŋaigonu kade ta tane ismba taŋgine taŋgine kubemba ise ndakap. ¹³ Wam kame ta buluŋge kilŋaniŋgit ta tugunu kilimok mayok kinig. Mayok kinig sulumba bulu mbolŋge minig. ¹⁴ Ta tuku ande nu tejenmba sakate. Kinymba minit taŋgo ne aboŋga. Naŋe kumaknu maŋau kusrewa le Kristus nu ne kilŋanuwa ŋga sakate.

¹⁵ Tane kurau mayemba li mayenu mbolŋge minap. Tane wamdus kugatok mine ndaka wamdus kila mayenu ŋak minap. ¹⁶ Ait te ŋayo ait tukunu ait afu wam magenu ke likam tuku prode ta ake kusre ndakap. ¹⁷ Tane wamdus kugatok taŋaŋ mine ndaka Sunŋo tuku nzali kila palpe. ¹⁸ Tane kule kamenu nyumba ŋgingŋanka maim maim maŋau ke ndakap. Taŋgine ŋgamuŋgal palpe le Tukul Guwa sinam kuwa le ¹⁹ David tuku mune, mune afu magenu, Tukul Guwa tuku mune ta ŋakmba taŋgine taŋgine muŋgu mune-munekap. Muŋgu mune-muneka wamdus sinamŋge Sunŋo tuku nyu te-duŋgap. ²⁰ Tane mara mara siŋgine Sunŋo Yesus Kristus idusmba wam ŋakmba tuku Mam Kuate gare pasa tape.

Muŋgu kilnaig mbal tuku pasa

²¹ Kristus nu sine tuku Sunŋo ŋga tane taŋgine taŋgine pasa ismba kumnemŋge minap.

²² Pino kame, tane Sunjo tuku minje kumnemnje minig tanjamba ndo tanjine tanjo kumnemnje minap. ²³ Kristus nu nuje kuasmbi tuku gabat minit. Tanjamba ndo tanjo kat tanjine tane tuku gabat minig. Kristus tuku kuasmbi ta nu tuku ngarosu. Nuje ngarosu ta nu muskil kile-tidingina. ²⁴ Kristus tuku kuasmbi nane nu kumnemnje minig tanjamba ndo pino kame tane wam njakmba mbolnje tanjine tanjo kumnemnje minap.

²⁵ Tanjo kame, Kristus nu nuje kuasmbi tuku sunj-gomba kume purmba nuje ngarosu kumam tuku pilna tanjamba ndo tane tanjine pino tuku sunjgomba kume purkap. ²⁶ Kulembi ngaro minyangade tanjan nu nuje pasambi nane Kuate tuku mbal purfejnun kile-mayokkina. ²⁷ Nuje kuasmbi ta mbar kugatok purfejnun maditaknu nu ndon minwaig nga nu kumna. ²⁸ Tanjamba ndo tanjo kame tanjine ngarosu tuku kume purde tanjamba tanjine pino tuku kume purkap. Ne naje pino tuku kume purte ta ne naje ngarosu tuku turmba tanjate. ²⁹⁻³⁰ Tanjo nu nuje ngarosu kasur ndate. Kuga. Nu nuje ngarosu kulat mayemba sangri pilete. Tanjamba ndo sine Kristus tuku ngarosu inum inumnu mineg tukunu nu sine nuje kuasmbi kulat mayete. ³¹ Kuyar pasa tejenmba sakate.

Tanjo nu ina mam nuje kusreka piyo nuje ndon munju kile-denga minwaik. Nale ngarosu ndindo mayok kanjaik nga sakate. *Mulum Pasa 2.24*

³² Kuyar pasa te alonu sunjo kurok minit le kamuset ta tejenmba. Kristus nu nuje kuasmbi ndon tuku sakate.

³³ Pasa ta tane munju kilig wam ta tuku mata sakate. Ta tuku tanjo kame, tane tanjine ngarosu tuku kume purde tanjamba ndo tanjine pino tuku kume purkap. Pino kame, tane tanjine tanjo tuku nyu idusnijmba nane kumnemnje minap.

6

Ina mam le kiyo kame tuku pasa

¹ Kiyo kame, tane Kuate tuku nzali dubimba ina mam kumnemnge minap. Mañau ta tiñreknu. ²⁻³ Tukul pasa ande teñenmba sakate.

Ina mam tuku nyu kurauka miñge kumnemnge minap.

Tane tañawap ta kilke te mbolñge ait kuen mine mayenu mbolñge minamñgaig nga sakate. *Lo 5.16*

Tukul ta sungokanu. Kuate nu te-mayokmba dubikade mbal wam mayenu tam tuku sakina.

⁴ Tanjo kame, tane tañgine kiyo kame ndagariningam tuku sigair sigair ndaningap. Tane Kuate tuku nzali dubimba nañgine mbar kile-tidinga wam magenu ndo tumningap.

Piro tanjo le piro kulat mbal tuku pasa

⁵ Piro tanjo, tane tañgine kulat mbal tuku nyu idusniñmba kurauka nane kumnemnge minap. Tane Kristus kumnemnge minig tañamba ndo tañgine kulat mbal kumnemnge minmba wamdus tugusekmbi pirokap. ⁶ Tane kulatkade mbal am mbolñge nane nzaliningam tuku ndo piro ndakap. Tane Kristus tuku piro mbal tañaj minig tukunu wamdus gare ñakmbi Kuate tuku nzali dubimba pirokap. ⁷ Sine Sunjo tuku piro keg nga gare ñak pirokap sulumba tanjo tuku piro ndo keg nga idus ndawap. ⁸ Piro tanjo ko piro kulat tanjo nu wam mayenu kate ta Sunjo nu kumumbi lafuwamngat ta tane kila.

⁹ Piro kulat mbal, tane mata tañgine piro mbal mbolñge wam magenu ndo kap. Tane ñerñerka pasa pitinu sa ndaningap. Tane tañgine piro mbal ndoñ tañgine Sunjo ndindo samba mbolñge minit. Nu tanjo ñakmba mbolñge mañau kumumbi kate ta tane kila. Nu ande kusre ndate.

Sine Kuate tuku kame agañ ñak minbe

¹⁰ Kile ye pasa ndindo satिंगam tuku minit. Tane Sunḡo ndoḡ ulendika nu tuku saḡri ta mboḡge saḡri tingap. ¹¹ Tane Satan tuku yabri wamdus kila sunḡo ta te-ibeam tuku Sunḡo tuku kame agaḡ ḡakmba silike likap. ¹² Sine taḡo ndoḡ kame bumba mine ndakeḡ. Kuga. Sine bukla kame guwa ḡaigonu tuku sugo sugo ma make tuku gabat kame ta ḡakmba ndoḡ kame bumba mineḡ. ¹³ Ta tuku tane Kuate tuku kame agaḡ ḡakmba sili ḡak likap. Tane taḡawap ta kame ait mboḡge tane saḡri tiḡa minig le ka kame kugate ta baklelel ndade.

¹⁴ Tane kame tuku kuaneka tugusek maḡau let taḡaḡ tingap. Maḡau tiḡreknu tawo songam tuku agaḡ taḡaḡ tumba silikap. ¹⁵ Tane Kristus tuku pasa mayenu mboḡge ḡgamuḡgal mukuk tade ta kupe ḡgaro kareḡnu taḡaḡ patikap. ¹⁶ Tane kame agaḡ ḡakmba ta silika Satan tuku tui pa bulu ḡak saḡri pitaiwam tuku Kuate nu kumuḡ ḡga nu tuku saḡri tomba tingade wam ta kandim taḡaḡ tap. ¹⁷ Kuate nu tane tuku muskil kile-tiḡiḡe tiḡit wam ta hat kareḡnu taḡaḡ kaikap sulumba Tukul Guwa tuku kame baḡi tap. Kame baḡi ta Kuate tuku pasa.

¹⁸ Tane mara mara Tukul Guwa mboḡge Kuate suḡgomba yabaḡmba minap. Tane kanyum ndamba Kuate sarsarmba nu tuku mbal ḡakmba tuku yabaḡap. ¹⁹ Tane ye tuku mata Kuate yabaḡap le nu ye tuku miḡge bul serwa. Taḡawa le ye kuru kuru kugatok Kristus tuku pasa mayenu tuku wam kame buk kuirok minnaig ta kile-mayokki. ²⁰ Ye pasa mayenu tuku kukul taḡo minet tukunu ye muliḡtanu wande te mboḡge minet. Tane Kuate yabaḡap le ye kuru kuru kugatok kumumbi pasa ta kukliwi.

²¹ Siḡine tira Tikikus nu Sunḡo tuku piro kulat mayete ta nu tane tugum promba ye sine ḡakmba mineḡ maḡau te kubeu tiḡuwa le tane kila palmbimḡgaig. ²² Nuḡge

tane kila satimba tane tuku wamdus bul sertinguwa nga idusmba nu kukulet.

²³ Mam Kuate singine Sungo Yesus Kristus nale tane singine tira nakmba turtinguwaik le tane ngamunggal mukuk kume pur majau ngamunggal son sangrinu turmba nak minap. ²⁴ Tane singine Sungo Yesus Kristus tuku kume purmba minmba minig mbal Kuate nu tane make patikuwa.

Son.

KUATE TUKU PASA
Portions of the Old Testament and The New Testament in the
Siroi Language of Papua New Guinea
Sampela hap Buk Baibel long tokples Siroi long Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 9 Sep 2021 from source files dated 9 Sep 2021

9d2e8659-afb4-5cca-93d8-23ebf89e1709